

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI

Broj: 004-0-SuDp-20-000315
Zenica, 28.02.2020. godine

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za javne nabavke imenovane rješenjem broj: 004-0-SuDp-20-000182 od 03.02.2020. godine po provedenom postupku javne nabavke računara i računarske opreme putem otvorenog postupka, predsjednica Kantonalnog suda u Zenici donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, te se Ugovor za javnu nabavku robe – računara i računarske opreme dodjeljuje ponuđaču „Printex“ d.o.o. Sarajevo za ponudu broj: 20/20 od 24.02.2020.godine, **za ponuđenu cijenu od 47.360,00 KM bez PDV-a, kao najpovoljnijem ponuđaču nakon završetka e-aukcije.**

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ugovor o nabavci Ugovorni organ će potpisati i dostaviti na potpis izabranom ponuđaču nakon isteka roka od 15 dana od dana prijema Odluke o izboru najpovoljnijeg ponuđača od strane svih ponuđača.

Član 5.

Ova odluka stupa na snagu danom donošenja.

Obrazloženje

Postupak javne nabavke robe računara i računarske opreme pokrenut je Odlukom o pokretanju postupka javne nabavke broj: 004-0-SuFin-20-000100 od 03.02.2020. godine. Postupak javne nabavke je proveden putem otvorenog postupka za koji je objavljeno obavještenje o nabavci broj: 2885-1-1-14-3-1/20 dana 05.02.2020. godine na Portalu javnih nabavki.

Postupak nabavke provela je Komisija za javne nabavke imenovana rješenjem broj: 004-0-SuDp-20-000182 od 03.02.2020. godine. Komisija za javne nabavke je dostavila predsjednici suda Zapisnik o pregledu i ocjeni ponuda broj: 004-0-SuDp-20-000151 od 24.02.2020. godine i Zapisnik nakon provedene e-aukcije broj: 004-0-SuDp-20-000151 od 28.02.2020. godine sa preporukom o izboru najpovoljnijeg ponuđača.

Komisija za javne nabavke je navela da je blagovremeno i pravilno izvršila otvaranje, pregled i ocjenu kvalifikovanosti prispjelih ponuda u skladu sa kriterijima iz tenderske dokumentacije, o čemu je sačinila odgovarajuće zapisnike u kojima je utvrđeno da je u predmetnom postupku zaprimljeno osam ponuda i to sljedećim redoslijedom:

R.B	Naziv ponuđača
1.	<u>Elur d.o.o. Kiseljak</u>
2.	<u>Fixit d.o.o. Sarajevo</u>
3.	<u>Rebus d.o.o. Sarajevo</u>
4.	<u>Inter-Com d.o.o. Zenica</u>
5.	<u>Printex d.o.o. Sarajevo</u>
6.	<u>Digitarija d.o.o. Sarajevo</u>
7.	<u>Imtec d.o.o. Sarajevo</u>
8.	<u>Fractal d.o.o. Žepče</u>

te da su sve dostavljene ponude kvalifikovane i prihvatljive, odnosno da su uz ponude dostavljeni svi dokazi traženi tenderskom dokumentacijom.

Nakon izvršenog pregleda i ocjene ponuda zakazana je e-aukcija dana 27.02.2020. godine u 14,00 sati sa predviđenim početnim trajanjem e-aukcije od 20 minuta.

Po okončanju e-aukcije a u skladu sa utvrđenim kriterijem „najniža cijena“ Komisija je utvrdila konačnu rang listu ponuđača:

R.B	Naziv ponuđača	Ukupna cijena ponude bez PDV-a
1.	Printex d.o.o. Sarajevo	47.360,00 KM
2.	Elur d.o.o. Kiseljak	47.415,00 KM
3.	Digitarija d.o.o. Sarajevo	54.837,00
4.	Fractal d.o.o. Žepče	54.970,20
5.	Imtec d.o.o. Sarajevo	54.999,00
6.	Inter-Com d.o.o. Zenica	58.293,90
7.	Fixit d.o.o. Sarajevo	62.326,00
8.	Rebus d.o.o. Sarajevo	62.876,42

Po okončanju e-aukcije utvrđeno je da je najniža cijena ponude ponuđača Printex d.o.o. Sarajevo i iznosi 47.360,00 KM bez PDV-a, te je ista ocjenjena kao najpovoljnija ponuda, s obzirom da je kriterij za dodjelu ugovora najniža cijena.

Dakle, s obzirom da je isključivi kriterij prilikom ocjene kvalificiranih ponuđača najniža cijena, Komisija za javne nabavke je predsjednici Kantonalnog suda u Zenici dala preporuku da se donese Odluka o izboru najpovoljnijeg ponuđača i dodijeli ugovor za nabavku robe računari i računarska oprema ponuđaču Printex d.o.o. Sarajevo, što je u skladu sa Zakonom o javnim nabavkama, podzakonskim aktima i tenderskom dokumentacijom.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač Printex d.o.o. Sarajevo dostavio kvalifikovanu ponudu sa najnižom cijenom, a obzirom da je najniža cijena bio kriterij za izbor najpovoljnije ponude, odlučeno je kao u članu 1. ove odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 dana od dana prijema ove odluke.



Predsjednica Suda

Snježana Colaković